

Waa maxay waxbarista inkluusifka ah? waxbarista u diyaarinta ah

Waxbarista loogu diyaarinayo qofka waxbarashada asaasiga ah waxaa ku gudajira iyo qaabka loo hirgalinayo

Waxbarista u diyaarinta ah waxaa loogu talo galay carruurta 6-17 sano da'doodu u dhaxayso ee aanan wali in ku filan aqoonin af-finishka si ay ugu dhigtaan waxbarashada asaasiga ah.

Waxbarista diyaarinta ah waxaa loo hirgaliyaa qaabab kala duwan. Ilmaha da'diisa ayaa xukumaysa waxbarashada uu ka qaybqaadanayo nooca ay noqonayso. Waxbaristu waxaa weeyaan 24-26 saacadood todobaadkii. Waxbaristu waxaay ku sallaysantahay qorshe waxbarasho oo gaar u ah u diyaarinta waxbarashada aasaasiga ah.

Waxbarista u diyaarinta ah ee 7-8 sano jirka

Dugsiga dhexe fasalladiisa 1- aad iyo 2- aad ardaydu waxaay helayaan waxbarista u diyaarinta iyaga oo ku jira kooxda luqadda finishka lagu dhiganayo. Waxaa la yidhaahdaa arrinkaas waxbarista inkluusifka ah. Ardaydu waxaay leeyihiin waxbarista u diyaarinta ah 24 saacadood isbuucii. Saacadaha wax dhigashadu way ka badantahay inta ay qaataan ardayda fasalladda 1-aad ama 2-aad ee caadiga ah.

Barnaamijka wax barashada

Arday kasta oo waxbarista u diyaarinta ah qaadanaya waxaa loo samaynayaa barnaamij waxbarasho oo gaar u ah. Barnaamijka waxbarashada waxaa lagu sheegayaa ardayga taariikhtiisii waxbarasho, awoodihiisa, waxyaabaha uu la tacaalayo, hiigsiyadiisa shaqsiga ah, maadooyinka uu dhiganayo iyo saacadaha waxbarashada iyo qaabka waxbarashada loo qabanqaabiyay. Barnaamijka waxbarashada waxaa si wada jir ah u samaynaya ardayga, waalidka iyo macalinka.

Luqadda finishka

Waxbarashada waxaa xooga loo saarayaa barashada luqadda finishka. Waxaa la hiigsanayaa in la dhiso aqoonta luqadda ee salka ah ee kobcaysa.

- Ardaygu wuu ka soo baxaa xaaladaha caadiga ah ee nolol maalmeedka ku soo noqnoqda ee u baahan isticmaalka luqadda.
- Ardaygu wuu awoodaa in uu magacaabo waxyaalaha aanan ku cusbayn, wuu kala soo dhex bixi karaa luqadda hadalka ah iyo ta qoranba erayo iyo weedho uu yaqaano.
- Ardaygu wuu fahmayaa hadalka si deggan loo sheego haddii loo baahdana loogu soo celiyay hagitaanada kooban iyo mowduucyada aanan ku cusbayn.
- Ardaygu wuu fahmayaa luqadda xaaladda waxbarista loo isticmaalayo iyo qoraalka ku qoran buugga wax lagu dhiganayo isaga oo sawiradda ku yaalla iyo erayada qoraalka nuxur u ah ee uu fahmayo isku geygeysanaya.
- Ardaygu wuxuu qorayaa erayo uu hore u yaqaanay iyo weedho gaaban

Aqoonta luqadda billowga ah ee kobcaysa micnaheedu waxaa weeyaan in uu ardaygu wali u baahanyahay taageero badan.

- Ardaygu wuxuu u baahanyahay tusaalayn badan iyo eraybixino diyaarsan si uu u soo saaro hadal isdaba joog ah oo kooban ama qoraal kooban.
- Ardaygu wuxuu wali u baahanyahay caawimaad luqaddiisa ah si uu u fahmo waxyaabaha ku cusub.
- Ardaygu wuxuu u baahanyahay in in badan loo qaabeeyo oo sawiro lagu kabo iyo in si deggan oo faseex ah hadalka loogu dhigo, in loogu celceliyo iyo in loo turjumo.

Ardayga waxbarista udiyaarinta ah ku jira wuxuu maaddooyinka sanad dugsiyeedkiisa la qaadanayaa kooxda inteeda kale. Waxaa sidoo kale loo qabanqaabinayaa fursado uu xoogga ku saari karo barashada luqadda finishka. Ardaygu wuxuu maaliinta dhexdeeda ku qaadan karaa barashada luqadda finishka koox yar ama isaga oo macallinkiisa ama macallin kale u dhigayo.

Waxbarashada guud waxaa u dheer in luqadda finishka xoogga lagu saarayo waxqabadka kale oo dhan. Macallinka ayaa erayaynaya waxqabadka nololmaalmeedka iyo wadadhaqanka wuxuuna u isticmaalayaa waxbarista sawiro uu fahamka ku fududaynayo iyo waxyaabo kale oo uu ku suurayn karo waxaa uu dhigayo.

Afka hooyo

Ardaygu wuxuu helayaa waxbaris u diyaarin ah oo luqaddiisa hooyo ku baxaysa oo labo saacadood isbuucii ah. Khasab ma aha in waxbarista luqadda hooyo qofka lagu siiyo isla iskoolka uu waxbarashadiisa kale ku qaadanayo.

Qiimeynta

Marka waxbarista u diyaarintu ay dhammaan rabto waxaa ardayga waxbarashadiisa lagu qiimeynayaa barnaamijka waxbarashada. Qiimeyntu waa mid hadal ahaan loo siinayo. Qiimeynta waxaa awoodda la saarayaa in la qiimeeyo in uu ardeygu gaadhay hiigsiyada isaga loo dajjiyay. Waxaa suuro gal ah in la isticmaalo qalabyo kale oo iskoolku gaar u leeyahay oo qiimeynta dhexe ama qiimeynta ardaygu isagu isku samaynayo loo isticmaalo.

Ardayga shahaado ayaa laga siinayaa ka qaybgalka waxbarista u diyaarinta ah. Ardaygu wuxuu waxbarashada kusii wadayaa waxbarista u diyaarinta ah markay ka dhamaato isla fasalkii uu wax ku baranayay.